



KOMMUNEPLAN FOR MODALEN KOMMUNE 2014 - 2025

FØRESEGNER OG RETNINGSLINER
HØYRINGSUTKAST

Rev.	Dato:	Omtale	Utarbeidd	Fagkontroll	Utarbeidd av
1.utkast	16.juni 2014	Planomtale til kommuneplanen sin arealdel Høyningsutkast	OYSKO	FRSTA	Norconsult 

VERKNADER AV PLANEN

Arealdelen av kommuneplanen er utarbeidd med heimel i plan- og bygningslova § 11-5.

Føresegne er saman med plankartet juridisk bindande for framtidig arealbruk, jamfør plan og bygningslova § 11-6.

Den formelle delen av planen er:

- Plankart datert 16.juni 2014.
- Føresegner og retningsliner, datert 16. juni 2014.

Føresegne inneholder både generelle føringar som gjeld for fleire arealbruksformål og særskilte føresegnar knytt til det enkelte arealbruksformålet. Føresegne er rettsleg bindande og dei er vist med grøn tekstramme.

Retningslinene til kvart formål følgjer ført- løpende etter føresegne. Dei gjev ikkje direkte heimel for vedtak, men er likevel viktige ved at dei presiserer kommunestyret sin politikk og ynskjemål for utviklinga i planperioden. Innhaldet skal

leggast til grunn for arealplanlegging og byggesakshandsaming.

Ny plan går ved eventuell motstrid framfor eldre plan for same areal, med mindre anna er fastsett i den nye planen, jamfør plan- og bygningslova § 1-5, 2. ledd. Dette vil sei at arealdelen av kommuneplanen ved motstrid gjeld framfor tidlegare vedtekne planar, så lenge det ikkje går eksplisitt fram av desse føresegne at den eldre planen framleis skal gjelde.

ORDFORKLARINGAR

Arealdelen av kommuneplanen skal fastsetje hovudtrekka for korleis arealet skal brukast og vernast, og kva viktige omsyn som må vurderast ved disponering av arealet og korleis arealet samla sett skal disponerast for å nå måla for samfunnsutviklinga.

Ein arealdel omfattar arealkart, føresegner og ein planomtale med konsekvensutgreiing, jamfør § 4-2 andre ledd. Jamfør § 1-5, som viser til at ein vedtatt

plan skal leggast til grunn for vidare planlegging og forvaltning mv., og til § 11-6 om at arealdelen av kommuneplanen er bindande for framtidig arealbruk.

Konsekvensutgreiing skal gje ei særskild vurdering og skildring av verknadene planen har for miljø og samfunn.

Reguleringsplan er eit arealplankart med tilhøyrande føresegner som fastlegg bruk, fleirbruk og vern i bestemte område, og som gjev grunnlag for avklaring av kva byggje- og anleggstiltak som kan gjennomførast i planområdet. Større byggje- og anleggstiltak utløyser alltid krav om reguleringsplan, jf. pbl § 12-1. Krav om reguleringsplan går elles fram av føresegne. Det er krav om planskildring og risiko og sårbaranalyse (ROS-analyse) for alle reguleringsplanar, jf. plan- og bygningslova §§ 4-2 og 4-3.

Reguleringsplan kan utarbeidast som områderegulering eller detaljregulering.

Områderegulering er primært ei planform som vert utarbeidd av kommunen etter

krav i kommuneplanen sin arealdel, eller der kommunen etter tilhøva finn at det er naudsynt å utarbeide slik reguleringsplan for eit område for å ivareta verneomsyn eller for å legge til rette og setje rammer for vidare planlegging, utvikling og bygging.

Detaljregulering vert nytta for å følgje opp og konkretisere overordna arealdisponeering i kommuneplanen sin arealdel eller områderegulering. Både private og offentlege aktørar kan utarbeide detaljregulering.

Utbyggingsavtale er ein avtale mellom kommunen og grunneigar eller utbyggjar om utbygging av eit område, som har grunnlag i communal planmynde etter plan- og bygningslova og communal arealplan.

Den funksjonelle strandsona er landområde som står i direkte samspel med sjøen når det gjeld

biologisk mangfald, friluftsliv, landskap og kulturmiljø. Dette er kommunen si

vurdering av kva som er den mest verdifulle strandsona og grenselina er nytta som avgrensing for framtidige byggeområde og spreidd utbygging i LNF-område.

Einebustad, tomannsbustad og andre bustadtypar vert definert i rettleiarene "grad av utnytting" frå Kommunal- og moderniseringsdepartementet (T-1459).

Fritidsbustader er bygningar nytta til overnatting i samband med privat fritidsbruk. Bygningar nytta til utleige-/næring kjem inn under arealbruksformålet LNF-spreidd næring.

Naust er eit uthus i strandsona som vert nytta til oppbevaring av reiskapar, utstyr, småbåtar og anna. Naust skal ikkje vere innreia eller brukt til varig opphold som bustad eller fritidsbustad.

Universell utforming vil seie at produkt, byggverk og uteområde skal utformast slik at alle menneske skal kunne nytte dei på ein likestilt måte så langt råd er utan spesiell tilpassing eller hjelpemiddel.

MUA er minste uteoppahdsareal. Arealet skal vere godt eigna til opphold og rekreasjon. MUA kan omfatte kombinasjon av private område tilknytt den einskilde bustadeining (hage, balkong og terrasse) og fellesareal for fleire bustadeiningar. MUA kjem i tillegg til leike- og friområde. Det vert vist rettleiarene "grad av utnytting" frå Kommunal og moderniserings departementet (T-1459).

BYA er det same som bygd areal, og er det arealet som bygningen optar av terrenget. I bygd areal reknast overbygd areal, utkraga bygningsdelar samt konstruksjonar og bygningsdelar som stikk meir enn 1 m ut forbi veggliv også med. BYA som definert i rettleiarene "grad av utnytting" frå Kommunal og moderniserings departementet. (T-1459) vert lagt til grunn.

BRA er det same som bruksareal, og gir oversikt over det samla arealet for alle plan i ein bygning. Bruksareal for ein tomt inkluderer også ope, overbygd areal og

parkering. Det vert vist rettleiaren "grad av utnytting" frå Kommunal- og moderniseringsdepartementet (T-1459).

Leikeareal er areal som er sett av til leik og skal opparbeidast til leik for dei minste borna, til dømes med fallunderlag og leikeapparat.

Nødvendige tiltak i landbruket vert definert som i rettleiar for Landbruk +, T-1443:2005.

Næringsområde er område som skal nyttast til formål som industri, handverk- og lagerverksemd, kontor og hotell. Næringsverksemd som er nemnd som eige formål i lova kjem ikkje under næringsområde (t.d. kjøpesenter, forretning, tenesteyting).

Vassdrag er vatn, elvar og bekkar som har årsikker vassføring. Årsikker vassføring vil sei at vassdraget ved middeltemperatur over frysepunktet ikkje tørkar ut av naturlege årsaker oftare enn kvart tiande år i gjennomsnitt.

Dyrka jord er fulldyrka jord, overflate-dyrka jord og gjødsla beite (jf. rundskriv M-412003 frå LMD). Ved vurdering av om eit areal er dyrka eller dyrkbart, bør ein legge definisjonane som vert brukt i samband med økonomisk kartverk til grunn:

Fulldyrka jord: Areal som er dyrka til vanleg pløyedjupn, og som kan nyttast til årsvekstar eller til eng som kan fornyast ved pløyning.

Overflatedyrka jord: Areal som er rydda og jamna i overflata, slik at maskinell hausting er mogleg.

Innmarksbeite: Areal som årleg vert gjødsla og brukt som beite, men som ikkje kan haustast maskinelt.

Dyrkbar jord: Jord som kan fulldyrkast til lettbrukt eller mindre lettbrukt jord. For at areal skal kunna klassifiserast som dyrkbar jord må det kunna gje rimeleg og sikker grasavling.

ANNA LOVVERK

KULTURMINNELOVA

Undersøkingsplikta etter § 9 i kulturminnelova skal oppfyllast i alle byggeområde, også i sjøen. Ved søknad om småbåthamner skal saka sendast til kulturminnemynde for vurdering. Dette gjeld både marine kulturminne og sjøbruksmiljø.

HAMNE- OG FARVASSLOVA

Tiltak som bygging, graving, utfylling og andre tiltak som kan påverke tryggleiken eller framkomsttilhøva i sjøområda krev løyve frå kommunen, jf. havnl. § 27, første ledd.

JORDLOVA

Frådeling av landbrukseigedom må hand-samast etter jordlova § 12, også i LNF-område der spreidde bustader, næringsbygningar, fritidsbustader og naust er tillate. Dersom bygningar, under dette bygningar knytt til landbruket, er foreslått plassert på dyrka mark, skal

plasseringa handsamast som søknad om
omdisponering etter jordlova § 9.

MINERALLOVA

Massetak i næringsområde fell inn under
reglane i minerallova dersom massane
skal seljast på den opne marknaden.
Steinbrot, gruver og massetak med
tilhøyrande knuseverk og sorteringsanlegg
er unntak fra byggjesakshandsaming (jf.
Byggjesaksforskrifta). Dette gjeld uttak
som er i samsvar med gjeldande
reguleringsplan og som er gjeve
driftskonsesjon etter reglane i
minerallova.

1. GENERELLE FØRESEGNER OG RETNINGSLINER PBL § 11-9

1.1. KRAV OM REGULERINGSPLAN

Heimel: pbl § 11-9 nr 1

- 1.1.1.** Areal sett av til bygg og anlegg (pbl § 11-7 nr 1) og samferdsleanlegg og teknisk infrastruktur (pbl § 11-7 nr 2), skal inngå i ein reguleringsplan før tiltak som krev søknad og løyve etter pbl §§ 20-1 er tillate.

Unntak frå plankravet:

A) *Tiltak etter § 20-1 bokstav b-j, samt m*
 B) *Mindre utbyggingstiltak- maks 4 bueininger i eksisterande byggeområde for bustad. Unntaket gjeld ikkje byggeområde i omsynsoner merka H810*

- 1.1.2.** For areal merka S-1 kombinert byggeformål, skal det ligge føre områderegulering før detaljregulering eller byggesøknad kan godkjennast.

1.2. UTBYGGINGSAVTALAR

Heimel: Pbl § 11-9 nr. 2.

- 1.2.1.** Utbyggingsavtalar skal utformast i samsvar med til ei kvar tid gjeldande retningsliner for bruk av utbyggingsavtalar i Modalen kommune.

1.3. KRAV TIL INFRASTRUKTUR

Heimel: Pbl §§ 11-9 nr. 3 og 30-6.

- 1.3.1.** Det er ikkje krav om vegtilkomst til hytter i kommunen. Det kan krevjast tilknytingsplikt til offentleg vatn og avlaup for hytter.

- 1.3.2.** Avkjørsler til private vegar skal tilfredsstille dei same tekniske krav til utforming som er sett for avkjørsler til offentlege vegar.

1.4. REKKEFØLGJEKRAV

Heimel: Pbl § 11-9, nr. 5, jf. § 1-8, 3. ledd.

- 1.4.1.** For areal sett av til bygg og anlegg etter pbl § 11-7 nr. 1, skal infrastruktur for veg, vatn, overvatn og avlaup sjåast i samanheng med eksisterande og framtidig utbygging i området, slik at det vert etablert gode, heilskaplege løysingar.

1.5. BYGGEgrensar OG KRAV TIL VOLUM OG FUNKSJON

Heimel: pbl § 11-9 nr. 5

1.5.1. Det er i plankartet sett ei byggjegrense mot sjøen som erstattar den generelle byggje-forbodssonan på 100 meter. Der det er fastsett byggjegrense mot sjø over tidlegare regulerte område, gjeld denne framfor reguleringsplanen. Denne grensa ikkje er sett av i plankartet gjeld byggje-forbodet 100m frå strandlinia.

Unntak frå byggeforbodet i strandsona:

- A) *Tiltak i LNF-område som av omsyn til funksjonell landbruksdrift eller fiskeri må plasserast i strandsona.*
- B) *Etablering av naust innanfor føresegnsområda merka med 'N' i plankartet.*
- C) *Område sett av til arealformål samferdsleanlegg og teknisk infrastruktur, med tilhøyrande under-formål, og område sett av til arealformål småbåthamn.*

D) S-1, Sentrumsformål.

1.5.2. Byggjegrense mot Vassdrag:

For Modalsvassdraget, hovudløpet frå brua ved Straume/ Nåmdal til utløpet ved Mo/ Otterstad er det forbod mot å setja i gang byggje- eller anleggstiltak etter §§ 20-1 og 20-2, frådeling til slike tiltak, samt tiltak som er til vesentleg ulempe for gjennomføring av vassbruksplanen. Forbodet gjeld for heile strekninga til 10 m frå strandlinia målt i horizontalplanet ved middels flaumvasstand.

For område merka S-1 gjeld ei byggjegrense på 10m frå Kvernhuselvi.
Det kan etter søknad gjerast unntak for stadbunden næring når det gjeld næringsretta tiltak.
Anna avstand kan fastsetjast i reguleringsplan

1.5.3. Måla om universell utforming skal leggast til grunn for reguleringsplanar slik det går fram av retningslinene i gjeldande regional plan for universell utforming. Fellesareal og offentleg areal, under dette gangveg/fortau, skal så langt som mogleg ha universell utforming.

1.5.4. Ved nye byggetiltak gjeld følgjande krav til personbilparkering:

Tiltak	Min. krav
Hus, inntil 4 bueeininger	2 per eining
Hus, 5 eller fleire bueininger	1,5 per eining
Hybel/hybelhus*	0,5 per hybel
Hytte m/vegtilkomst	1 per hytte
Hytte u/vegtilkomst**	0 per hytte
Naust	0 per naust
Forretning/kontor/-service	1 per 30m ² BRA
Industri/verkstad	1 per 100m ² BRA
Lager	1 per 300 m ² BRA

Forsamling/servering	1 per 30m ² BRA
Overnatting	0,5 per soverom
Barnehage	1 per 5 barn
Barne/ungdomsskule	1 per årsverk
Tiltak	Min. krav
Omsorgsbustader	1 per bueinig
Sjukeheim	1 per årsverk og 0,3 per senge- plass

* Gjeld både når hybelen er utleidet av ordinær bustad og når den er del av eige hybelhus.

** Gjeld hytter langs den delen av Mofjorden som ikkje har veggtilkomst. Ein føreset her at fleire hytteeigarar vil nytte båt.

1.5.5. Parkeringsplass og garasje skal plasserast og utformast slik at bil kan snu på eigen grunn.

1.6. ESTETIKK, MILJØ OG MELLOMBELS ANLEGG

Heimel: pbl § 11-9 nr. 6

- 1.6.1.** Det er ikkje tillate å angra opp flytande konstruksjonar som husbåtar og lekterar utan løyve frå kommunen.
- 1.6.2.** Ved utarbeiding av reguleringsplan skal det leggjast vekt på terregntilpassing av tiltaka, slik at ein i størst mogleg grad unngår skjeringar og fyllingar. Det skal vere ein mest mogleg samanhengande grønntstruktur.
- 1.6.3.** Nye tiltak skal innordne seg og tilpassast eksisterande bygg på eigedomen.

1.7. OMSYN TIL EKSISTERANDE BYGNAD OG KULTURMILJØ

Heimel: pbl § 11-9 nr. 7

- 1.7.1.** Verneverdige enkeltbygningar, kulturmiljø og andre kulturminne skal i størst mogleg grad takast vare på som bruksressursar og setjast i stand.
- 1.7.2.** Ved utarbeiding av reguleringsplanar og ved søknad om tiltak, skal eventuelle kulturminne og kulturmiljø skildrast, og det skal synast korleis ein har søkt å ta omsyn til desse.

1.8. TILHØVE SOM SKAL AVKLARAST I VIDARE REGULERINGSARBEID

Heimel: pbl § 11-9 nr. 8

1.8.1. Ved utarbeiding av reguleringsplanar skal risikoen for skred vurderast, jf. ROS-vurderinga. Naudsynte risikoreduserande tiltak for å få risikoen ned på eit akseptabelt nivå skal planleggjast og sikrast gjennom rekkefølgjekrav.

1.8.2. Ved utarbeiding av reguleringsplan for bygg for varig opphold, skal det sikrast tilstrekkeleg handtering av overvatn, slik at bygg og anlegg ikkje tek skade ved ekstremnedbør.

1.8.3. Ved utarbeiding av område-reguleringsplan for område S-1 skal det utarbeidast ein stadianalyse som skal fastsette prinsipp for utforming av området for å sikre kvalitet og attraktivitet for sentrumsområdet.

1.8.4. Ved utarbeiding av reguleringsplan for områda S-1 og B-1 skal risikoen for flaum vurderast, jf. ROS-

analysen. Naudsynte risiko-reduserande tiltak for å få risikoen ned på eit akseptabelt nivå skal planleggjast og sikrast gjennom rekkefølgjekrav.

1.8.5. Planlegging og utbygging skal utførast slik at bygg og anlegg ikkje tek skade av høg vasstand i sjøen. (2,5–3 meter).

GENERELLE RETNINGSLINER

- 1.** Desse retningslinene gjeld for område for bygg og anlegg (pbl § 11-7 nr 1) og LNF- område der spreidd bustad og næringsbygg er tillate (pbl § 11-7 nr 5 b)
- 2.** Alle tiltak som kjem inn under arealdelen skal både ved etablering og avvikling leggja vekt på å ta omsyn til natur- og kulturlandskapet.
- 3.** Ved lokalisering og utforming av tiltak på einskildtomter, skal det takast omsyn til naturelement som har estetisk verdi.

- 4.** Ved planlegging og prosjektering av nye byggverk skal det takast omsyn til dei eksisterande kulturminna i kommunen. Nye tiltak skal lokaliserast og utformast med god estetisk kvalitet, slik at verneverdige objekt ikkje vert råka.
- 5.** Nye bygg og anlegg skal lokaliserast og formast slik at ein unngår uheldig eksponering i landskapet.
- 6.** I område som har ein klar tomte- og byggestruktur, skal nye bygningar innarbeidast i eksisterande bygnad.

2. OMRÅDE FOR BYGG OG ANLEGG.

PBL 11.7 NR 1

2.1. BUSTAD

2.1.1. Formålet gjeld byggjeområde sett av til bustader med tilhøyrande teknisk anlegg, garasje, uthus, vegar, parkering og anna fellesareal , jf. pbl § 11-7. nr. 1.

2.1.2. I område avsett til eksisterende byggjeområde for bustad kan fortetting ved einskild tomter skje uten krav til regulering, jf pbl § 11-10 nr 1 på følgende vilkår:

- Søknad kan gjelde for inntil 4 bueiningar
- Det skal utarbeidast utomhusplan som viser at mellom anna krav til parkering og uteoppholdsareal vert teke i vare både for eksisterende og nye bueiningar.

Forhold til transportnett herunder trygg skuleveg, og anna lovverk etter kommunen si vurdering er ivaretake.

Heimel: pbl 11-7 nr.1

2.1.3. I eksisterande bustadområde kan løyve til mindre tiltak på bygd eigedom gjevast utan krav til regulering.

Heimel pbl § 11-10 nr 1.

2.1.4. I område avsett til eksisterende byggjeområde for bustad kan det gjevast løyve til oppføring av garasje på inntil 50 m².

Heimel pbl § 11-10 nr 1.

2.1.5. Det kan gjevast løyve til tilleggsareal opptil 200 m² etter pbl § 20-1 bokstav m) utan krav om reguleringsplan, dersom dette ikkje er til hinder for framtidig regulering.

Heimel: Pbl § 11-10 nr. 1.

RETNINGSLINER TIL BUSTADOMRÅDE

1. Leikeplassar bør i størst mogleg grad plasserast og utformast slik at dei er eigna for leik og opphold

heile året, kan nyttast av ulike aldersgrupper og legg til rette for samhandling mellom born, unge og voksne. Leikeplassane bør vere lett tilgjengelege, det vil sei at dei bør plasserast sentralt i høve til flest mogleg bustader og andre grøntområde og at tilkomstvegar bør vere universelt utforma.

2. Tilleggsareal bør føyst saman med hovudeigedomen. Tilleggsareal til eigedomar som er bygd på, reknast som bygd eigedom i samband med søknad om mindre tiltak etter punkt 2.1.3.

2.2. OMRÅDE FOR FRITIDSBUSTAD

2.2.1. Formålet gjeld byggjeområde sett av til fritidsbusetnad med tilhøyrande teknisk anlegg, garasje, uthus, vegar, parkering og anna fellesareal, jf. pbl § 11-7 nr. 1.

2.2.2. Fritidsbustader skal ha ein maksimal storleik på 100 m² bruksareal (BRA), tomtene skal ikkje være større enn 1,5 dekar og bygd areal (BYA) skal ikkje overstige 20 %. Dersom parkeringa skjer inne på tomten, skal parkeringsareal ikkje reknast med i BRA, men inngår likevel i BYA. Maksimal gesimshøgd er 6,0 m. Maksimal mønehøgd er 9,0 m. Høgdene vert målt frå planert terreng. Det er ikkje tillate med terrasse på over 30 m². Terrassar kan vera maksimalt 1 meter over gjennomsnittleg planert terreng. Oppsetjing av gjerde er ikkje tillate.

Heimel: Pbl § 11-9 nr. 5.

RETNINGSLINER FOR FRITIDSBUSTAD

1. Før handsaming av søknad om byggeløyve kan kommunen krevja situasjonsplan for utbygging av eit naturleg samanhengande felt. Slik plan skal syna kotehøgder, plassering av bygningar, avkjørsle, parkering, og tilkomst/sti til hyttene.
2. Nybygg skal tilpassast terren og nærliggande bygningar med omsyn på fargeval, utforming og funksjonar
3. Ved byggearbeid skal det takast omsyn til eksisterande vegetasjon, terreng og bygnad.

2.3. SENTRUMSOMRÅDE

2.3.1. Formålet gjeld byggjeområde sett av til sentrumsformål som inkluderer forretning/kontor, tenesteyting og bustadar med naudsynt (ute-)areal til bygnaden, med tilhøyrande infrastruktur. jf. pbl § 11-7 nr. 1.

2.3.2. Ved regulering av området skal alle bueiningar sikrast tilgjenge til areal for utandørs opphold i samsvar med følgjande krav:

- Minimum 7 m² privatareal
- Minimum 25 m² felles-/leikeareal

Kvalitetskrav til felles-/leikearel

- Alle bueiningar skal ha tilgjenge til fellesområde maksimum 50 m fra bygget sin hovudåkomst.
- Områda skal ligge på bakkeplan. Alternativt kan inntil 50 % leggast på opparbeidd dekke med god terrenkontakt og god kontakt med hovudinngang.

 Areala skal ingen stader være brattare enn 1:3.

Heimel: § 11-9, nr. 5

2.4. OMRÅDE FOR FORRETNINGAR

2.4.1. Formålet gjeld byggjeområde sett av til forretningsformål med tilhøyrande infrastruktur. jf. pbl § 11-7 nr. 1.

2.5. TENESTEYTING

2.5.1. Formålet gjeld område sett av til privat eller offentleg tenesteyting med tilhøyrande vregar og anlegg, jf. pbl § 11-7 nr. 1.

2.6. RÅSTOFFUTVINNING

2.6.1. Formålet gjeld byggjeområde sett av til råstoffutvinning med tilhøyrande vregar, bygningar og anlegg, jf. pbl § 11-7 nr. 1.

2.6.2. I område for råstoffutvinning må det ligge føre godkjent reguleringsplan med konsekvensutgreiing før eventuelle uttak kan starta, jf. pkt

1.1. Reguleringsplanen skal mellom anna sikre følgjande:

 Før ein tek ut massane frå områda må ein ha høveleg tilkomstveg fram til offentleg veg. Kryssløysninga til offentleg veg skal vere i samsvar med gjeldane vegnormal

 Etterbruken av områda skal i hovudsak vere landbruk, med mindre særlege omsyn seier noko anna.

 Uttaket skal til ei kvar tid ta omsyn til landbruksdrifta i området, og tilbakeføring skal skje snarast råd, så lenge så det ikkje kjem i strid med viktige driftsomsyn. Reguleringsplanar skal syne landskapet etter avslutta uttak og ha plan for rehabilitering.

- I områda er det forbod mot frådeling eller oppføring av bygg som hindrar at området i framtida kan bli nytta til massetak.

Heimel: §§ 11-9 nr 3, 4, 6 og 11-10 nr 2, 4

2.7. NÆRINGSVERKSEMD

- 2.7.1.** Formålet gjeld område sett av til næringsverksemd med tilhøyrande tekniske anlegg, vegar, parkering og anna fellesareal. Formålet omfattar ikkje forretningsverksemd. **Jf. pbl § 11-7 nr. 1.**

- 2.7.2.** Næringsbygg skal etablerast slik at dei gjev ein støyskjermane effekt mot tilgrensande busetnad. Verksemder skal lokalisert slik at dei respekterer grenseverdiane for støy i retningsliner T-1442. Støy-situasjonen og eventuelle avbøtande tiltak skal dokumenterast i samband med regulering eller ved søknad om tiltak.

Heimel: Pbl § 11-9 nr. 6.

- 2.7.3.** Verksemder som handterer potensielt skadelege stoff for menneske og natur eller på annan måte kan representera ein risiko for omgjevnadane, skal lokaliserast vekk frå grenseområda til etablert eller planlagde bustadområde eller anna følsam bruk.

Heimel: Pbl § 11-9 nr. 6 og 8

2.8. IDRETSANLEGG

- 2.8.1.** Formålet gjeld byggjeområde sett av til idrettsanlegg med tilhøyrande vegar, bygningar og anlegg, **jf. pbl § 11-7 nr. 1.**

2.9. KOMBINERT BYGGEFORMÅL

- 2.8.2.** Formålet gjeld byggjeområde sett av til sentrums- og bustadformål med tilhøyrande vegar, parkering, uterom og anlegg, **jf. Pbl §11-7 nr. 1.**

3. SAMFERDSLE OG TEKNISK INFRASTRUKTUR

PBL 11-7 NR 2.

- 3.1.1.** Formålet gjeld hovudinfrastruktur som vegar, hamn, parkeringsplassar, sykkelvegar, trasear for teknisk infrastruktur. **Jf. Pbl §11-7 nr. 2.**

4. GRØNTSTRUKTUR

PBL 11-7 NR 3.

- 4.1.1.** Formålet gjeld område sett av til grøntstruktur i bustadområde, friområde og park, **jf. pbl § 11-7 nr. 3.**

RETNINGSLINER FOR GRØNT-STRUKTUR

1. Park er sentrumsnære grøntområde der ein kan etablere tiltak for å sikre ålmenn ferdslle.
2. Friosmråde er naturområde med særleg verdi for ålmenta. Ein kan legge til rette med enkle tiltak som toalett etc.

5. LNF-OMRÅDE PBL § 11-7 NR 5.

5.1. LNF-OMRÅDE

- 5.1.1.** Formålet gjeld landbruks-, natur-, og friluftsområde med nødvendige tiltak for landbruk og gardsbasert næringsverksemd basert på garden sitt ressursgrunnlag. **Heimel:** Pbl § 11-7 nr. 5 bokstav a.

Tiltak for landbruket skal plasserast slik at dei passar best mogleg inn i

kulturlandskapet, under dette innpassing til eksisterande bygnadsmiljø. Løyve til oppføring av bustad knytt til landbruket skal berre tillatast når det vert dokumentert at dette er naudsynt av omsyn til tradisjonell landbruksdrift på eigedomen, og det frå før ikkje er meir enn ei bueining på eigedomen. Nye bustader skal plasserast i tilknyting til gardstunet.

Heimel: Pbl § 11-11 nr. 1.

- 5.1.2.** Plassering av mellombelse bygningar, konstruksjonar eller anlegg er ikkje tillate. Forbodet gjeld ikkje mellombelse tiltak for landbruk eller friluftsliv.

Heimel: Pbl § 11-9 nr. 6.

- 5.1.3.** Byggje- eller anleggstiltak etter §§ 20-1 og 20-2 og frådeling til slike tiltak er ikkje tillate nærmare vassdrag enn 25m.

Heimel: Pbl §11-11 nr. 5.

- 5.1.4.**

Naudsynte tiltak for fiske og farleier til sjøs er tillate i strandsona langs sjø og vassdrag.

Heimel: Pbl § 11-11 nr. 4.

RETNINGSLINER FOR LNF- OMRÅDE

1. Det kan gjevast dispensasjon for mindre tiltak etter pbl § 20-2 bokstav a og tilleggsareal inntil 200 m² på eksisterande bustad-eigedomar når samla utbygging er innafor grensene fastsett under:
 - Tiltaket skal heller ikkje vere til vesentleg ulempe for omsyna bak LNF-formålet og føremonene skal vere klart større enn ulempene.
2. Tilleggsareal bør samanføyast med hovudeigedom. Tilleggsareal til eigedomar som er bygd på, reknast som bygd eigedom i samband med søknad om tiltak i samsvar med punkt 2 og 3 i dette avsnittet.
3. Nye, store driftsbygningar bør få ei plassering som harmonerer med landskapet.

5.2. LNF-SPREIDD BUSTADBYGGING

5.2.1. Formålet gjeld spreidd bustadbygging med tilhøyrande teknisk anlegg, garasje, uthus, vegrar, parkering.

Heimel: Pbl § 11-7 nr. 5 punkt b).

5.2.2. Område for spreidd bustadbygging kan i planperioden byggjast ut med det tal bustader som er markert i plankartet for det einskilde areal.

Heimel: Pbl § 11-11 nr. 2.

5.2.3. Det skal ikke byggjast på dyrka eller dyrkbar jord eller på samanhengande innmarksbeite. Bygging må ikke føre til auka trafikk gjennom gardstun. Vegframføring for nye tomter skal ikke leggjast på dyrka eller dyrkbar mark. Vegframføring for tomter som er etablert før vedtak av denne planen, skal berre i unntakstilfelle kunne leggjast på dyrka eller dyrkbar mark.

Heimel: Pbl § 11-11 nr. 2.

5.2.4. Nye bustader skal vere einebustader med ei bueining. Eitt sekundærhusvære med maksimalt 65 m² bruksareal (BRA) kan tillatast. Seksjonering er ikkje tillate.

Heimel: Pbl § 11-11 nr 2.

5.2.5. På eksisterande bustadeigedomar kan det gjevast løyve til mindre tiltak etter pbl § 20-2 bokstav a når samla utbygging er innafor dei grensene som er fastsett ovanfor. Det vert ikkje opna for nye bueininger eller næringsbygg på bustadeigedomen. Det kan gjevast løyve til tilleggsareal inntil 200 m² etter pbl § 20-1 bokstav m.

Heimel: Pbl § 11-11 nr. 2.

5.2.6. Det skal ikke byggjast på areal som ligg eksponert i landskapet eller på ein slik måte at landskapet vert fragmentert eller tiltaket krev store terrengeinngrep. Dette gjeld også tilhøyrande parkering, garasje, uthus, veg m v.

Heimel: Pbl § 11-9 nr. 6.

5.2.7. Nye tiltak kan ikkje lokalisera i konflikt med freda kulturminne. Alle søknader som gjeld spreidd bustadbygging skal difor sendast til Hordaland fylkeskommune for vurdering av eksisterande kulturminne og potensiale for funn av nye, før det kan gjevast løyve.

Heimel: Pbl § 11-11 nr. 2.

RETNINGSLINER FOR LNF-SPREIDD BUSTAD

1. Nye tiltak bør ikke vere til hinder for ålmenn ferdsel og tilgang til LNF-område, og bør ikke stengje for vidare mogleg utbygging i området.
2. Tilleggsareal bør samanføyast med hovudeigedom. Tilleggsareal til eigedomar som er bygd på, reknast som bygd eigedom i samband med søknad om mindre tiltak etter punkt 5.15.

5.3. LNF-SPREIDD FRITIDSBUSTAD

5.2.8. Formålet gjeld spreidd fritidsbusetnad med tilhøyrande teknisk anlegg, garasje, uthus, vegar, parkering.

Heimel: § 11-7 nr. 5 punkt b).

5.2.9. Samla bruksareal (BRA) for fritidsbustad, garasje og uthus skal ikkje oversige 100 m², og tomtene skal ikkje vere større enn 1,5 dekar. Bygd areal (BYA) skal ikkje overstige 20 %. Dersom parkeringa skjer inne på tomten, skal parkeringsareal ikkje rekna med i BRA, men inngår likevel i BYA. Maksimal gesimshøgd er 6,0 m. Maksimal mønehøgd er 9,0 m. Høgdene vert målt frå planert terreng.

Heimel: Pbl § 11-9 nr. 5.

5.2.10. Område for spreidd fritidsbustad kan i planperioden byggjast ut med det tal fritidsbustader som er markert i plankartet for det einskilde areal.

Heimel: Pbl § 11-11 nr. 2.

5.2.11. På eksisterande fritidseigedomar kan det gjevast løyve til mindre tiltak etter pbl § 20-2 bokstav a når samla utbygging er innafor dei grensene som er fastsett ovanfor.

Heimel: Pbl § 11-11 nr. 2.

5.4. LNF-SPREIDD NÆRING

5.4.1. Formålet gjeld spreidd næringsbygging med tilhøyrande tekniske anlegg, vegar og parkering.

Heimel: § 11-7 nr. 5 punkt b).

5.4.2. Detaljert utomhusplan skal utarbeidast før utbygging av tiltak i områda kan godkjennast. Planen skal syne plassering og hovedform på bygningar, veg- og parkeringsløysing, materialbruk, høgder på terreng og bygg, grøntanlegg og leidningstrasear. Profilar og illustrasjonar skal syne volum og bygningsform samt tilpassing til terreng og omgjevnader.

Heimel: Pbl § 11-9 nr. 6.

5.4.3. Det kan førast opp bygningar og anlegg for undervisning/konferanse, overnatting og servering. Ved plassering av bygningar og anlegg skal det leggjast særleg vekt på omsynet til kulturlandskap og jordbruksdrift.

Heimel: Pbl §§ 11-11 nr. 2 og 11-9 nr. 6.

5.4.4. Nye tiltak kan ikkje lokalisera i konflikt med freda kulturminne. Alle søknader som gjeld spreidd næringsbygging skal difor sendast til Hordaland fylkeskommune for vurdering av eksisterande kulturminne og potensiale for funn av nye, før det kan gjevast løyve.

Heimel: Pbl § 11-11 nr. 2.

6. BRUK OG VERN AV SJØ OG VASSDRAG MED TIL- HØYRANDE STRANDSONE PBL 11-7 NR 6.

6.1. FLEIRBRUKSOMRÅDE I SJØ OG VASSDRAG MED TILHØYRANDE STRANDSONE

6.1.1. Formålet er fleirbruksområde for natur, friluftsliv, ferdsle og fiske, jf. pbl § 11-7 nr. 6.

Tiltak eller inngrep som er i konflikt med natur, friluftsliv, ferdsle eller fiske er ikke tillate, under dette flytebrygger og kaianlegg.

Heimel: Pbl § 11-11 nr. 3.

6.2. FARLEI

6.2.1. Føremålet er hovud- og bifarleier i sjø, jf. pbl § 11-7 nr. 6. Lina som viser farleiene er ein indikasjon på farvatnet si tyding som ferdsleåre, og inga definert avgrensing av farleia.

6.2.2. Tiltak som kan vere til hinder for sjøtrafikk er ikke tillate.
Heimel: Pbl § 11-11nr. 3.

6.3. FERDSLE

6.3.1. Formålet er ferdsle i sjø, jf. pbl § 11-7 nr. 6.

6.3.2. Tiltak som kan vere til hinder for sjøtrafikk er ikke tillate.
Heimel: Pbl § 11-11nr. 3.

6.4. SMÅBÅTHAMN

6.4.1. Formålet er småbåthamn med naudsynt parkering, tekniske anlegg og servicebygg.

Heimel: Pbl § 11-7 nr. 6.

6.5. FISKEOMRÅDE

6.5.1. Formålet er fiskeområde med passivt reiskap, eller låssetting. Søknader om tiltak/inngrep på eller i nærliken av felta, skal leggjast fram for fiskeridirektøren for uttale, før vedtak vert fatta. Heimel: Pbl § 11-7 nr. 6.

6.6. GYTEOMRÅDE

6.6.1. Føremålet er gyteområde. Tiltak som kan hindra gytesuksess, skal ikke tillatast på eller i nærliken av felta. Søknader om tiltak/inngrep på eller i nærliken av felta, skal leggjast fram for fiskeridirektøren for uttale, før vedtak vert fatta.
Heimel: Pbl § 11-7 nr. 6.

6.7. FRILUFTSOMRÅDE

6.7.1. Føremålet er generelt friluftsområde i sjø og/eller i strandsona, jf. pbl § 11-7 nr. 6.

6.7.2. Tiltak eller inngrep som er i konflikt med natur- eller friluftsinteressene er ikke tillate.

Heimel: Pbl § 11-11 nr. 3.

7. OMSYNSSONER PBL § 11-8

7.1. FARESONER (H300)

7.1.1. Faresone skred markerer område som kan vere utsett for snøskred, steinsprang eller jordskred. Ved utarbeiding av reguleringsplan og ved søknad om tiltak etter pbl §§ 20-1 bokstav a, b, d, g, j, k, l og m samt 20-2 bokstav b og c, skal det gjerast ei vurdering av risiko for ras. Vurderinga skal omfatta både potensielt utløysingsområde og

utlaupsområde og om naudsynt skal det nyttast geologisk kompetanse. Dersom det vert avdekkta risiko, må tilstrekkeleg sikkerheit mot ras dokumenterast før det kan gjevest løkke til tiltak.

Heimel: Pbl § 11-8 tredje ledd bokstav a.

7.2. BANDLEGGINGSSONER (H700)

7.2.1. Sona viser som bandlagte område; a) område verna etter naturmangfaldslova, b) automatisk freda kulturminne etter kulturminnelova og c) område som er bandlagt fram til vedtak etter pbl (reguleringsplan).

Heimel: Pbl § 11-8 tredje ledd bokstav d.

7.3. GJENNOMFØRINGSSONER (H800)

7.3.1. Sona markerer område som skal gjennom felles reguleringsplan før tiltak etter planen kan realisertast.

Heimel: Pbl § 11-8 tredje ledd bokstav e.

7.4. DETALJERINGSSONER (H900)

7.4.1. Reguleringsplanar i denne sona skal framleis gjelde, så langt ikkje anna går fram av desse føreseggnene. Heimel Pbl §§ 1-5 andreledd og 11-8 tredje ledd bokstav f.

SONER MED SÆRSKILT OMSYN (RETNINGSLINER)

1. Omsyn landbruk (H510), gjeld støylar i Modalen. Oppføring av nye stølshus og sankehütter m.m. er berre tillate i samband med stadbunden næring og ved aktiv stølsdrift og beitebruk.

I stølsområde gjeld følgjande:

- ➲ Det kan berre førast opp enkle bygningar inkludert bislag, på inntil 35 m².
- ➲ Nye bygningar i stølsområde skal plasserast i samsvar med eksisterande byggestruktur.
- ➲ Dersom eldre eksisterande grunnmur ikkje vert endra, kan

- det byggjast ny bygning i tre oppå grunnmuren.
- Stølsbygningar i fjellet skal ha ei enkel rektangulær hovudform med saltak og møne på langs.
 - Langveggar skal ikkje vera høgare enn 2,2 meter.
 - Terrassar vert ikkje tillate.
 - Tak bør tekkjast med torv. Helletak kan nyttast der dette er vanleg.
 - Vindauge skal vera små og av tradisjonell type.
 - Liggjande format på vindaugsopningar bør unngåast. I gavlveggar bør vindauge vera symmetriske om mønet.
2. Omsyn vassdrag (H560), gjeld nedslagsfelta for dei vassdraga Modalen kommune ikkje ønskjer bygt ut til småkraft.
 3. Omsyn kulturminne (H570), gjeld naustområdet på Mo, der det ikkje

skal gjerast endringar i bygningsmassen eller -miljøet som vil skade området sin karakter og verdi.

8. FØRESEGNSSONER PBL §11-10

8.1. NAUST

- 8.1.1. Sona opnar for bygging av naust (merka N), og båtoppdrag.
Heimel pbl 11-7 nr 1.

8.1.2. Naust skal vere bygg/uthus i ein etasje med bruksareal (BRA) inntil 40 m², og skal byggjast enkeltståande. Eventuelt loftsrom skal ikkje ha målverdig areal. Knevegg på loft er ikkje tillate. Mønehøgda skal vere under 5 meter målt frå topp ferdig golv. Vindaugsarealet si dagslysflate skal ikkje overstige 3 prosent av bruksarealet (BRA). Altan, utkraging eller terrassar er ikkje tillate. Naust skal ha saltak med

ein takvinkel mellom 35° og 45°.
Heimel: Pbl § 11-9 nr. 5.

- 8.1.3. Naust skal utformast i samsvar med lokal byggeskikk med variasjon og oppdeling som ein finn i tradisjonelle naustmiljø i regionen.
Heimel: Pbl § 11-9 nr. 6.

8.1.4. Utbygging av naustområde skal ta omsyn til friluftsinteressene og landskapet. Badeplassar og stiar/tilkomstvegar til sjøen skal ikkje byggjast ned. Det skal setjast av areal som sikrar passasje for allmenta i naustområda.

Heimel: Pbl § 11-9 nr. 6 og 8.

- 8.1.5. Tal naust er i planperioden avgrensa som følgjer:

- N-1: 2 naust
- N-2: 1 naust
- N-3: 1 naust